

DIREKTNI SPORAZUM

između:

1. **JU OŠ „Velešićki heroji“**, sa sjedištem u Sarajevu, u ulici Velešići br. 2, koju zastupa direktor škole Kenan Trebinjac (u daljnjem tekstu: Kupac), i
2. **MBA-Centar d.o.o. Sarajevo**, sa sjedištem u Vogošći, u ulici Hasana Merdžanovića 3, kojeg zastupa Mehmedalija Kraljić (u daljnjem tekstu: Prodavac).

Član 1.

(Predmet direktnog sporazuma)

(1) Predmet ovog direktnog sporazuma je nabavka hrane (doručak, ručak i užina) za učenike u produženom boravku JU OŠ „Velešićki heroji“ Sarajevo, za period od 28.01.2019. do 28.02.2019. godine.

(2) Kupac i Prodavac su saglasni, da direktni sporazum realiziraju prema definisanim uslovima datim u Ponudi, sa kojom je Prodavac učestvovao u provedenom postupku dostavljanja ponuda.

Član 2.

(Cijena)

(1) Direktni sporazum se zaključuje sa procijenjenom vrijednosti, u iznosu do 6.000,00 KM (šest hiljada KM) bez uključenog PDV-a.

(2) Isporuka hrane iz člana 1. ovog sporazuma će se plaćati prema utvrđenim cijenama iz Ponude Prodavca, odnosno 5,12 KM (pet KM i dvanaest KF) bez uključenog PDV-a za cjelodnevni boravak po učeniku.

Član 3.

(Nepromijenjivost cijene)

Prodavac se obavezuje na nepromijenjivost cijena tokom cijelog ugovorenog perioda.

Član 4.

(Rok isporuke)

Isporuka hrane iz člana 1. ovog direktnog sporazuma će se vršiti sukcesivno i kontinuirano u toku trajanja direktnog sporazuma i to dva, do tri puta dnevno svakim radnim, odnosno nastavnim danom a po zahtjevima Kupca.

Član 5.

(Način isporuke)

(1) Obaveza Prodavca je da hranu iz člana 1. ovog direktnog sporazuma isporuči u Sarajevu na adresu JU OŠ „Velešićki heroji“, ulica Velešići br. 2.

(2) Cijena isporuke hrane je sadržana u cijeni navedenoj u članu 2. ovog direktnog sporazuma.

(3) Kod isporuke hrane Kupac će vršiti kvalitativno i kvantitativno preuzimanje i kontrolu, te zadržati pravo, u slučaju neispunjavanja traženih kriterija, odustati ovog direktnog sporazuma

Član 6.

(Viša sila)

(1) Kupac i Prodavac se neće smatrati odgovornima za kašnjenje u ispunjenju obaveza prema ovom direktnom sporazumu, neposredno ili posredno, ako je zakašnjenje usljed više sile.

(2) Pod višom silom podrazumijevaju se slučajevi koji se mogu pojaviti poslije stupanja ovog direktnog sporazuma na snagu, a koji nisu pod kontrolom ni jedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjavanju preuzetih obaveza po ovom sporazumu.

(3) U što skorijem roku, nakon djelovanja *više sile*, a ne duže od dva dana, Prodavac detaljno obavještava Kupca pismenim putem o djelovanju *više sile*. U slučaju da se utvrdi da Prodavac nije u mogućnosti da ispuní obaveze prema ovom okvirnom sporazumu, Kupac ima i može koristiti, pravo na raskid ovog sporazuma o čemu će pismenim putem obavijestiti Prodavca u roku ne dužem od tri dana nakon saznanja o djelovanju *više sile*.

Član 7.
(Garancija)

Prodavac garantuje da će isporuka iz člana 1. ovog sporazuma biti propisanog kvaliteta koji je određen prema važećim standardima i certifikatima i obavezuje se da će dostavljati Kupcu odgovarajuće dokaze o izvršenoj kontroli nadležnih institucija ovlaštenih za kontrolu hrane.

Član 8.
(Specifikacija hrane)

Količine u zahtjevu za dostavu ponuda su okvirne količine usluga isporuke pripremljenih jela, s obzirom da se tačna količina nabavke za period trajanja sporazuma ne može unaprijed odrediti.

Član 9.
(Period trajanja sporazuma)

- (1) Ovaj Direktni sporazum se zaključuje na period od 28.01.2019. godine do 28.02.2019. godine, odnosno na vremenski period do iznosa procjenjene vrijednosti direktnog sporazuma.
- (2) Ukoliko se jedna od ugovornih strana ne bude pridržavala odredaba ovog sporazuma, sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog sporazuma.
- (3) Otkazni rok po ovom sporazumu je 15 dana, a sporazumne strane ovog sporazuma se obavještavaju pismenim putem.

Član 10.
(Zaštita prava)


- (1) Sve nastale sporove Ugovorne strane će riješiti sporazumno, a ako to nije moguće spor će biti riješen pred nadležnim sudom u Sarajevu.
- (2) Na sva prava i obaveze sporazumnih strana koja nisu regulisana ovim sporazumom, primjenit će se odredbe zakona o obligacionim odnosima.


Član 11.
(Stupanje na snagu)

Ovaj direktni sporazum stupa na snagu danom potpisivanja od strane ovlaštenih osoba sporazumnih strana a primjenjuje se od 28.01.2019. godine.

Član 12.
(Broj primjeraka direktnog sporazuma)

Ovaj direktni sporazum sačinjen je u četiri istovjetna primjerka, od kojih svaka sporazumna strana zadržava po dva primjerka.

Prodavac:
MBA Centar d.o.o. Sarajevo
Direktor Mehmedalija Kraljić

Broj: 2501-07/5/19
Sarajevo, 25.01.2019. godine

Kupac:
JU OŠ „Velešički heroji“
Direktor Kenan Trebinjac

Broj: 07-3/19
Sarajevo, 25.01.2019. godine